

զեն-օղիին չեկաւ մեզ հետ, նա մնաց կղզու ավերի մօտ՝ տեսնելու, թէ ի՞նչ եղաւ իր նաւակը: Ասլանը նրան ոչինչ չասաց, գոնէ իբրեւ բժիշկ չարգելեց նրան, որ այնպէս թրջոած հագուստով կարող էր հիւանդանալ, մանաւանդ որ մրրիկը դեռ չէր դադարել, եւ սաստիկ ցուրտ քամի էր փչում: Եւ եթէ մի բան ասելու լինէր, նա հազիւ թէ կը լսէր բժշկի խորհուրդը: Նրա սիրելին, նրա նաւակը չկար:

Ոչ մի անգամ կրակը ինձ այնքան ախորժելի չէր երեւացել, որպէս այն- օր, չնայելով որ քամին բուխարու երդիկից փչում էր, եւ փոքրիկ խուցը լցո- ւած էր ծխով: Ես ամբողջ մարմնով դողում էի, բայց կրակի ջերմութիւնը ինձ նորից կեանք տոեց:

Երբ ես բաւական զգաստացած էի զգում ինձ, իմ առաջին հոգսը եղաւ տեսնել, արդեօք Ծովիկի տոած կոտրած սանդղը ինձ մօտ էր, թէ մնացել էր ծովի մէջ: Որքան մեծ եղաւ իմ ուրախութիւնը, երբ ձեռքս տարայ ծոցս, տե- սայ սանդղը իր տեղումն էր: Այդ ժամանակ Ասլանն էլ ձեռքը տարաւ իր ծո- ցը, բայց դուրս հանեց մի այլ բան: Դա նորին սրբազնութեան առաջնորդի յանձնարարական թուղթն էր, որի գրութիւնը թրջոելով, համարեա թէ եղծել էր: Նա տոեց այդ թուղթը արեղաներից մէկին, որ մնացել էր մեզ մօտ սպա- սաւորելու, եւ ասաց.

– Խնդրեմ այդ թուղթը ցոյց տոեցէք ձեր վանահօրը, դա նորին սրբազ- նութեան առաջնորդի ինձ տոած թուղթն է, թէեւ դժարութեամբ է կարդաց- ւում, բայց դարձեալ կարելի է որոշել, թէ ի՞նչ նպատակով ես եկել եմ ձեր վանքը:

Աբեղան, նորին սրբազնութեան անունը լսելով, մի առանձին պատկա- ռանքով առեց թուղթը, նայեց նրա վրայ, երեւի աշխատեց մի բան կարդալ, այս կողմ ու այն կողմ շուռ տոեց եւ, մի երեւելի գիւտ արածի նման, վերջա- պէս ասաց.

– Այդ սրբազանի կնիքն է:

Աբեղան հեռանալուց յետոյ, ես ու Ասլանը մնացինք խուցի մէջ միայ- նակ:

– Պետք է մի տաք բան խմել, – ասաց Ասլանը, – գոնէ մի փոքր գինի լինէր:

– Միթէ՞ այստեղ գինի չի լինի, – հարցրի ես:

– Հազիւ թէ:

Ասլանի ասածը ուղիղ դուրս եկաւ: Երբ արեղան վերադարձաւ եւ յայտ- նեց վանահօր կողմից կատարեալ պատրաստականութիւն՝ կատարելու մեր